



Ilmo Concello de CAMBADOS (Pontevedra)

REGULAMENTO DO RÉXIME XURÍDICO, XESTIÓN, USO E UTILIZACIÓN DAS INSTALACIÓNS DEPORTIVAS DE TITULARIDADE DO CONCELLO DE CAMBADOS

TÍTULO I.- NORMAS XERAIS

Artigo 1. Ámbito de aplicación

1.- O presente Regulamento ten por obxecto regular o réxime xurídico, xestión, uso e utilización das instalacións deportivas titularidade do Concello de Cambados e aquelas que teñan vinculación co Concello a través dun convenio concreto e dítase ao abeiro das competencias que nesta materia atribúe aos concellos os artigos 4.1.a), e 25.2.1) da Lei 7/1985, do 2 de abril, reguladora das bases do réxime local; artigo 55 do Real decreto legislativo 781/1986, do 18 de abril, polo que se aprobou o Texto refundido das disposicións vixentes en materia de réxime local, e do artigo 13 da Lei 11/1997, do 22 de agosto, xeral do deporte en Galicia.

2.- O presente Regulamento será de aplicación á totalidade das instalacións deportivas municipais e aquelas que teñan vinculación co Concello a través dun convenio concreto, descritas no artigo 2 e de aplicación a aqueles/as usuarios/as definidos/as no artigo 11 do presente regulamento.

3.- O servizo das instalacións deportivas municipais levarase en réxime de xestión directa, sen perxuício da colaboración ou iniciativa particular, que virá obrigada a axustarse ás prescricións que se establezan neste Regulamento e ás normas que, no seu caso, dite a Corporación Municipal.

Artigo 2 . Concepto de instalación deportiva municipal



Ilmo Concello de CAMBADOS (Pontevedra)

Son instalacións deportivas municipais para os efectos da presente normativa todos aqueles edificios, dependencias ou recintos ao aire libre, cuberto, pechado ou aberto, equipados para desenvolver o deporte e a actividade física, en toda a súa gama de modalidades, posibilidades ou finalidades, incluíndo as zonas de equipamento, complementarias ou funcionalmente necesarias para o desenvolvemento da actividade física, sempre que sexan titularidade do Concello de Cambados.

Artigo 3. Cualificación xurídica dos bens destinados ao servizo público de deportes.

De conformidade co establecido na normativa sobre patrimonio das entidades locais, as instalacións deportivas municipais terán a cualificación de bens de dominio público, a efectos do uso público ou da prestación do servizo público de deportes.

Artigo 4. Vixilancia e cumprimento da presente normativa

Correspóndelle ao **Servizo Municipal de Deportes** velar polo cumprimento do presente regulamento. O órgano competente do Concello, a proposta do Servizo Municipal de Deportes, poderá ditar as normas e instrucións que sexan necesarias para desenvolver, interpretar e aplicar o presente regulamento. As ditas normas e instrucións estarán expostas en lugar visible para o coñecemento de todos os usuarios e usuarias das instalacións.

TÍTULO II .- SOBRE A IMAXE, PUBLICIDADE E CARTELERIA NAS INSTALACIÓNS DEPORTIVAS

CAPÍTULO 1: IMAXE E PUBLICIDADE DO CONCELLO DE CAMBADOS



Ilmo Concello de CAMBADOS (Pontevedra)

Artigo 5: Logotipos e outras figuras relativas o uso de marcas

1.- Correspóndelle ao Concello de Cambados o uso e explotación dos logotipos e demais figuras reguladas na lexislación de marcas que sexan da súa titularidade.

2.- En todas as instalacións deportivas municipais, calquera que sexa a súa forma de xestión, así como nos folletos informativos que fagan referencia á instalación ou servizos prestados nelas, figurará en lugar visible os logotipos do Concello de Cambados.

CAPÍTULO 2: DA PUBLICIDADE NAS INSTALACIÓNS DEPORTIVAS

Artigo 6: Normativa aplicable

1.- A publicidade nas instalacións deportivas, mediante a exposición de calquera elemento permanente ou puntual, móbil ou estático, levarase a cabo dacordo coa normativa xeral de publicidade e específica sobre menores, alcol, tabaco e substancias estupefacientes.

2.- Os clubs que desexen instalar publicidade, faranno no espazo destinado para o mesmo, previa autorización municipal.

CAPÍTULO 3: DA CARTELERIA NAS INSTALACIÓNS DEPORTIVAS

Artigo 7. Normativa aplicable

1.- A cartelería nas instalacións deportivas, exporase no lugar que se determine para tal efecto.



Ilmo Concello de CAMBADOS (Pontevedra)

Artigo 8. Patrocinio de eventos deportivos

O órgano competente do Concello de Cambados poderá autorizar a colocación provisional de publicidade por un período temporal limitado ao de celebración do evento, con motivo da organización de acontecementos deportivos puntuais, previa petición da entidade organizadora.

TÍTULO III.- SOBRE INSTALACIÓNS DE MÁQUINAS E MODIFICACIÓN OU SUBSTITUCIÓN DO MOBILIARIO NAS INSTALACIÓNS DEPORTIVAS.

CAPÍTULO 1: INSTALACIÓN DE MAQUINAS E MODIFICACIÓN OU SUBSTITUCIÓN DO MOBILIARIO NAS INSTALACIÓNS DEPORTIVAS.

Artigo 9: Normativa aplicable

Os clubs que desexen instalar máquinas nas instalacións deportivas, terán que solicitar por escrito autorización do Concello.

TÍTULO IV.- NORMAS DE USO E FUNCIONAMENTO

Artigo 10. Normas xerais

1.- O acceso ás instalacións deportivas municipais, ben de forma individual ou de forma colectiva, supón a aceptación das normas contidas no presente regulamento.

2.- Os/as usuarios/as das instalacións deportivas están obrigados/as a respectar e coidar estas, o seu mobiliario e o seu equipamento



Ilmo Concello de CAMBADOS (Pontevedra)

deportivo, utilizándoos conforme ao seu destino propio, e ordenando o material unha vez sexa utilizado.

3.- Para o acceso de “uso libre” ás instalacións deportivas municipais é requisito indispensable ter cumpridos 14 anos. Exceptúanse os casos en que a normativa específica da instalación indique outra idade. Os/as menores desa idade só poderán acceder e permanecer nas instalacións acompañados dunha persoa maior de idade, que será responsable do uso das instalacións feito polo/a menor.

4.- O acceso e a permanencia na instalación respectará os horarios, as instalacións e a categoría asignada, atendendo en todo momento as indicacións do persoal do Servizo Municipal de Deportes do Concello de Cambados. Non se poderá permanecer nas instalacións deportivas municipais fóra dos horarios concedidos.

5.- Os/as usuarios/as das instalacións (xogadores/as, adestradores/as, persoal auxiliar, etc.) deberán utilizar a indumentaria deportiva e o calzado específico en atención ás características especiais de cada pavimento.

6.- Prohíbese acceder con mascotas, bicicletas e outros ás instalacións deportivas.

7.- O directivo, adestrador ou persoa responsable da hora reservada, non abandonará a mesma sen antes avisar ó empregado municipal para o peche da mesma.

Artigo 11. Usuarios/as das instalacións deportivas municipais

1.- Para os efectos da presente norma enténdese por usuarios/as das instalacións deportivas municipais aquelas persoas ou entidades que as utilizan, ben participando nos programas promovidos e xestionados



Ilmo Concello de CAMBADOS (Pontevedra)

polo Concello de Cambados ou ben participando do aluguer ou cesión dos devanditos espazos deportivos.

2.- Só os/as usuarios/as poderán facer uso das instalacións deportivas municipais e os servizos adscritos a estas, non así os espectadores e acompañantes.

3.- Os/as acompañantes e espectadores/as terán consideración de usuarios/as pasivos/as, e aplicaranse estas normas ata onde pode chegar a súa responsabilidade durante a estancia na instalación.

Artigo 12. Tipos de actividade

1.- Actividade física: exercicio físico realizado co obxectivo principal de mellorar a condición física e/ou a ocupación do tempo de ocio e de favorecer o desenvolvemento integral da persoa.

2.- Actividade deportiva: exercicio físico que ten como obxectivo superar unha meta ou vencer a un adversario ou adversaria en competencia suxeita a regras establecidas. Pode ter carácter recreativo ou competitivo, coa participación en competicións de ámbito federativo ou nas recoñecidas pola administración autonómica.

3.- Actividade extradeportiva ou singular: actividade non deportiva que pode realizarse en espazos deportivos multiusos. Este uso extraordinario das instalacións deportivas municipais esixirá a propia autorización do órgano competente do Concello na que se establecerán as condicións específicas do uso na instalación, de acordo cos informes emitidos polos responsables técnicos do Servizo e a normativa específica da actividade a realizar.

Artigo 13. Entidades deportivas, grupos informais e deportistas



Ilmo Concello de CAMBADOS (Pontevedra)

1.- Concepto de entidades ou clubs: aquelas asociacións legalmente recoñecidas nos rexistros pertinentes.

2.- Deportista federado: o que accede á instalación para os adestramentos ou competicións da súa entidade ou club.

3.- Deportista non federado: participante en ligas locais ou comarcais formando parte dun club, asociación deportiva ou figura análoga.

4.- Grupos informais: grupos de persoas non organizados que reservan a instalación para a realización de actividade física ou deportiva.

Artigo 14: Usos e aforos

1.- Usos dunha instalación deportiva: número de deportistas que poden facer uso da instalación (terreo de xogo, pista) ao mesmo tempo.

2.- Teñen consideración de usos en actividades ou actos ordinarios:

a) A utilización puntual e illada dunha instalación ou espazo deportivo para o seu uso específico.

b) O uso colectivo puntual, de tempada ou anual dunha instalación ou espazo deportivo para o seu uso específico.

c) O uso deportivo puntual, de tempada ou anual dunha instalación ou espazo deportivo para unha modalidade diferente da específica pero perfectamente compatible e autorizada.

d) A utilización puntual, temporal ou anual dunha instalación ou espazo deportivo para unha actividade non deportiva especificamente, pero perfectamente compatible pola súa afinidade, en condicións autorizadas polo órgano competente.

3.- Teñen consideración de usos en actividades ou actos extraordinarios:



Ilmo Concello de CAMBADOS (Pontevedra)

a) A utilización puntual, illada ou temporal, individual ou colectivamente, dunha instalacións ou espazo deportivo para unha actividade deportiva diferente da específica do mesmo e que requira unha autorización expresa do Concello de Cambados.

b) A utilización con carácter puntual, o no seu caso periódica, dunha instalación ou espazo deportivo para unha actividade non deportiva, que requira unha autorización expresa do Concello de Cambados.

4.- Aforo dunha instalación deportiva: Capacidade total ou conxunto de localidades. É o número máximo de espectadores que pode admitir a instalación deportiva (incluíndo aos/ás practicantes deportivos/as).

Artigo 15.- Modificacións ou peches das instalacións

1.- O Concello de Cambados resérvase a facultade de peche temporalmente das instalacións por limpeza, obras, programacións propias, competicións, partidos, cursos ou outros eventos que considere oportunos.

2.- O Concello de Cambados resérvase o dereito a realizar as modificacións dos horarios das instalacións e de actividades por causas de programación e organizativas, comunicándollo aos/ás interesados/as coa maior brevidade posible.

3.- En casos de anulacións de usos previamente concedidos por causas imputables á administración, os/as interesados poderán optar por solicitar o cambio de data, e/ou hora, e/ou a instalación a utilizar.

Artigo 16. Comunicación cos usuarios e usuarias

As comunicacións, os avisos e calquera outra información aos usuarios realizaranse a través do Taboleiro de Anuncios das instalacións deportivas, da páxina web do Concello de Cambados ou no espazo dixital da Concellaría de Deportes.



Ilmo Concello de CAMBADOS (Pontevedra)

Artigo 17.- Responsabilidade polo uso das instalacións

1.- O Concello de Cambados non será responsable das lesións que poida sufrir o usuario ou usuaria salvo que deriven dun mal estado da instalación ou dos bens adscritos a esta, conforme á normativa xeral sobre responsabilidade das administracións públicas.

2.- En todo caso o Concello de Cambados non será responsable ante o usuario ou usuaria en caso de accidente ou deterioro derivados do incumprimento por parte deste das presentes normas, dun comportamento negligente doutro/a usuario/a ou dun mal uso das instalacións, equipamentos ou servizos.

3.- A responsabilidade por actos cometidos polos/as menores, cando poidan acceder ás instalacións deportivas municipais, corresponderá aos seus ou súas representantes legais de conformidade coas disposicións legais que regulan este tipo de responsabilidade.

4.- O Concello de Cambados non se fará responsable da desaparición de obxectos persoais de usuarios/as dentro das instalacións deportivas municipais. Os obxectos de valor comunicaranse cunha nota no taboleiro de anuncios durante un mes.

5.- O incumprimento das normas xerais e específicas de instalacións, escolas e entidades, e de instrucións que dite o Concello de Cambados por si mesmo ou a través do persoal da instalación, poderá ocasionar o cesamento no uso da instalación.

6.- Nos vestiarios respectaranse as ordes e as instrucións do persoal do Concello de Cambados. Non poderán utilizar tinguiduras, afeitarse, levar secadores de man ou outros semellantes, nin amosar actitudes indecorosas ou molestas para o resto de usuarios/as. En beneficio de



Ilmo Concello de CAMBADOS (Pontevedra)

todos e de todas, recoméndase utilizar os vestiarios e as duchas coa maior rapidez posible.

7.- En cumprimento da Lei 28/2005, de medidas sanitarias fronte ao tabaquismo, prohíbese fumar en calquera dependencia da instalación deportiva.

8.- Prohíbese tirar calquera tipo de desperdicios no chan no transcurso das actividades deportivas, tanto para os deportistas como para o público en xeral. Non está permitido comer froitos secos con casca na instalación, así como beber bebidas alcohólicas.

9.- Prohíbese correr ou xogar nas instalacións deportivas fora dos espazos reservados para a practica deportiva.

10.- O Concello de Cambados non se fai responsable das consecuencias que se deriven polo incumprimento da normativa recollida nas consideracións xerais de usos das instalacións.

11.- Queda reservado o dereito de admisión.

TÍTULO V.- DOS DEREITOS E OBRIGAS DOS/AS USUARIOS/AS

Artigo 18.- Dereitos dos/as usuarios/as

1.- Son dereitos dos/as usuarios/as, entre outros:

- a) Ser tratados/as con respecto e deferencia polo persoal que presta servizos na instalación deportiva.
- b) Utilizar as instalacións, mobiliario e equipamentos deportivos.
- c) Ser informado/a sobre as condicións de uso das instalacións deportivas municipais, así como sobre os programas deportivos ofertados por elas.



Ilmo Concello de CAMBADOS (Pontevedra)

d) Formular as suxestións que considere oportunas para a mellora da xestión das instalacións deportivas municipais, así como as reclamacións que estime en relación co funcionamento destas. Tanto as suxestións como as reclamacións dirixiranse ao Servizo Municipal de Deportes do Concello de Cambados.

Artigo 19.- Obrigas dos/as usuarios/as

Son obrigas dos/as usuarios/as, entre outras:

- a) A utilización das instalacións deportivas municipais con actitude positiva e deportiva en todos os espazos e dependencias destas; así como de respecto os demais usuarios e usuarias, espectadores/as e persoal da instalación, nos espazos, áreas e recintos deportivos.
- b) Utilizar a instalación deportiva unicamente na especialidade deportiva que este autorizada e respectarase o horario de funcionamento da instalación atendendo as indicacións dos/as empregados/as municipais.
- c) Facer uso de calquera das instalacións e espazos deportivos co axeitado vestido e calzado acorde coas diferentes modalidades deportivas.
- d) Corresponderá a entidade usuaria (asociacións, clubs, agrupacións, etc.) solicitar e obter as autorizacións competentes, as autorizacións preceptivas esixibles, así como estar en posesión dos preceptivos seguros de accidentes para as ditas actividades e cumprir coas sancións que impoña o concello.
- e) As persoas adultas velarán pola seguridade dos/as menores de idade ao seu cargo dentro das instalacións deportivas.
- f) Os/as usuarios/as maiores de idade serán responsables do incumprimento das normas do presente Regulamento e das infraccións definidas neste cometidas polos/as menores de idade ao seu cargo.
- h) Asumir as perdas do obxectos persoais que se produzan nas instalacións como consecuencia da súa desaparición, extravío ou deterioro destes.



Ilmo Concello de CAMBADOS (Pontevedra)

h) Axudar a manter a instalación limpa, colaborando cos empregados, utilizando as papeleiras e colectores dispoñibles para o efecto.

Artigo 20.-Perda da condición de usuario/as

Réxime de infraccións e sancións.

1.- Causas: o incumprimento do establecido no presente Regulamento e en particular das obrigacións impostas ao usuario ou usuaria leva consigo a perda da devandita condición, coa conseguinte obriga de abandonar ou prohibición de acceder ás instalacións deportivas municipais. Tales incumprimentos cualificaranse en leves, graves e moi graves segundo se sinala nos parágrafos seguintes.

2.- Constitúen incumprimentos leves:

- a) Considérase leve o incumprimento dalgunhas das obrigas dos/as usuarios/as, cando a súa condición non dea lugar á clasificación de grave.
- b) O trato incorrecto a calquera usuario/a, persoal, técnico, monitor/a, etc.
- c) Causar danos leves de forma voluntaria á instalación, material ou equipamento desta.

3.- Constitúen incumprimentos graves:

- a) Incumprimento reiterado dalgunhas das obrigas dos/as usuarios/as.
- b) O mal trato u obra a outros/as usuarios/as, espectadores/as, monitores/as, técnicos/as, xuíces e xuízas ou empregados/as da instalación.
- c) Causar danos graves de xeito voluntario á instalación, material ou equipamento desta.
- d) Orixinar por imprudencia ou negligencia accidentes graves a si mesmo ou a outras persoas.
- e) O incmplimento das ordes efectuadas polos empregados/as municipais, dacordo á ordeanza.



Ilmo Concello de CAMBADOS (Pontevedra)

f) Falsear intencionadamente os datos relativos a identidade, idade, estado de saúde, etc., e á suplantación de identidade.

g) A reincidencia e incumprimentos resoltos como leves.

4.- Constitúen incumprimentos moi graves:

a) Insultos ou agresións físicas ó persoal municipal das instalacións, ou persoal particular ó servizo das actividades que se desenvolvan na mesma.

b) Reincidencia e incumprimentos resoltos como graves.

c) Calquer outra que merezca tal calificación a resultados do expediente que se tramite.

5.- Sancións:

a) Os incumprimentos leves corríxanse con apercibimento por escrito ou perda da condición de usuario/a por un período de 5 a 30 días.

b) Os incumprimentos graves corríxanse coa perda da condición de usuario/a por un período comprendido entre 30 días e 1 ano, segundo a gravidade deste fixera necesario e multa de 100 a 300 euros, con indemnización de danos materiais se os houberse.

c) Os incumprimentos moi graves corríxanse coa perda da condición de usuario/a por un período de 1 a 5 anos e multa de 300 a 1.000 euros, con indemnización de danos materiais se os houberse.

6.- Procedemento sancionador:

a) O/a empregado/a público/a que designe o órgano municipal competente será a persoa encargada de tramitar o procedemento.

b) As propostas comunicaranse por escrito aos/ás interesados/as dándolles 10 días hábiles de audiencia para que estes poidan efectuar as alegacións e presentar os documentos e informacións que estimen pertinentes.

c) Unha vez concluído o prazo de audiencia e a vista das alegacións presentadas polo/a usuario/a, o/a instrutor/a do procedemento elevará ao alcalde ou alcaldesa, ou concelleiro/a en quen delegue, como



Ilmo Concello de CAMBADOS (Pontevedra)

órgano competente para resolver, a proposta pertinente. Unha vez que resolva, notificarase ao/á afectado/a, dentro do prazo que lle confire a normativa administrativa.

d) Contra os acordos adoptados, poderán interpoñerse os recursos que se estimen oportunos, conformidade co disposto na Lei de procedemento administrativo.

6.- Non obstante, no caso que o/a usuario/a actúe de xeito notoriamente contrario ao presente regulamento, o persoal da instalación está autorizado para obrigarlle, cautelarmente, ao abandono desta, ou requirir a presenza das forzas de seguridade, se a gravidade do caso así o requirise, sen prexuízo das posteriores accións pertinentes.

TÍTULO VI.- PROCEDEMENTO DE RESERVA E FORMALIZACIÓN DA CESIÓN DO USO DAS INSTALACIÓNS DEPORTIVAS MUNICIPAIS

Artigo 21. Reserva de uso das instalacións deportivas municipais

1.-Ainda cando as instalacións deportivas Municipais estarán abertas todo ano, establécese coma data de apertura, a efectos de confección de calendario e programación de actividades o día 1 de setembro, polo que as entidades deportivas deberán solicitar, previamente a esta data, a reserva horaria para o desenvolvemento das súas actividades.

O calendario de actividades será presentado para a súa aprobación á Xunta de Goberno Local, a proposta do Concelleiro de Deportes, previa toma de contacto e audiencia ós clubs.

2.- A solicitude de autorización de uso de calquera unidade deportiva realizarase polos/as interesados/as de acordo co formulario accesible na páxina web www.cambados.org ou nas Oficinas Cambados Deporte. A presentación da solicitude comportará a aceptación da presente Normativa e non implica, en ningún caso, a reserva anticipada do espazo.



Ilmo Concello de CAMBADOS (Pontevedra)

3.- Para os efectos de aplicación da presente normativa, será o Servizo Municipal de Deportes do Concello de Cambados, quen clasifique o tipo de actividade: adestramento federado, competición federada, uso libre, actividades físico-deportivas, festivais e actos non deportivos.

4.- Non se poderá cambiar o destino das instalacións, nin utilízalas para usos distintos dos expresados. Non se poderá arrendar, traspasar, nin ceder a terceiros, nin sequer temporalmente, todo ou parte do inmovible obxecto de cesión.

5.- Para grupos informais ou persoas individuais, poderán facer un máximo de dúas reservas (unha por semana) de calquera espazo deportivo, non podendo reservar máis, ata que finalice o uso da instalación da segunda reserva. Os cidadáns empadroados en Cambados, terán preferencia á hora de reservar unha instalación deportiva, os que non o están só poderán facer reservas no mesmo día que as queiran utilizar. A reserva poderá facerse na mesma semana e tamén na seguinte.

6.- Calquera trámite de cambio de horarios ou actividades deberá solicitarse nas oficinas do Servizo Municipal de Deportes, cumprimentando os impresos establecidos para tal efecto. En ningún caso se dará por validado o cambio mentres non sexa comunicado polo órgano competente do Concello de Cambados.

Artigo 22. Reserva para grupos ou persoa individual

1.- A reserva implica o uso da instalación exclusivamente polo grupo ou persoa para a que foi emitida para a instalación, así coma a actividade e os horarios recollidos no documento da reserva, así mesmo deberán entregar unha relación dos xogadores, na que debe figurar o nome, apelidos e D.N.I. Este grupo ou persoa será a responsable do uso da instalación.



Ilmo Concello de CAMBADOS (Pontevedra)

2.- No caso de renuncia do solicitante ou grupo, esta deberá facerse ata 48 horas antes da hora de inicio concedida, para ter dereito á unha próxima reserva.

3.- O Concello de Cambados resérvase o dereito de anular, por causas xustificadas ou de interese público, a cesión de espazos autorizados. Tamén se prevé a posibilidade de esixir, a constitución dun depósito en metálico que garanta os posibles danos.

Artigo 23. Reserva de uso para clubs e entidades deportivas

1.- Poderán solicitar a utilización dunha instalación deportiva municipal calquera entidade deportiva e/ou educativa que cumpra os requisitos recollidos no artigo 13 e que estea inscrita no rexistro municipal de entidades do Concello de Cambados.

2.- O órgano competente do Concello de Cambados aprobará cada tempada os criterios para a utilización das instalacións deportivas municipais para adestramentos, baseándose entre outras nas seguintes premisas: adaptación do deporte ás características da instalación a utilizar, preferencia a grupos estables como medio de favorecer o asociacionismo deportivo, categoría e número de deportistas da entidade, número de participantes en cada actividade, colaborar cos intereses do Concello de Cambados, participación en competicións federadas.

3.- As solicitudes dos clubs ou entidades deportivas para toda a tempada presentaranse na oficina Cambados Deporte (situado no Pavillón Deportivo do Pombal) no prazo establecido polo órgano competente do Concello de Cambados para tal fin e deberá entregarse a seguinte documentación:



Ilmo Concello de CAMBADOS (Pontevedra)

a) Solicitud, no impreso oficial que facilite o Concello, debidamente cumprimentada e asinada polo presidente ou presidenta, na que aparecerán os datos da entidade.

b) Proxecto no que especifique a actividade a realizar, periodicidade da práctica de adestramentos, os calendarios de competición, horarios de competición e/ou adestramentos, persoas responsables tanto directivos como técnicos e a relación de compoñentes autorizados para a actividade.

4.- As autorizacións outorgaranse dacordo cos criterios técnicos do Servizo Municipal de Deportes do Concello de Cambados á vista das solicitudes presentadas. Unha vez adoptado o acordo polo órgano competente, notificarase as entidades antes do prazo establecido o horario definitivo da utilización para adestramentos nas instalacións deportivas municipais.

5.- O Servizo Municipal de Deportes do Concello de Cambados resérvase o dereito de deixar sen efecto algunha das autorizacións de utilización das instalacións deportivas por algúns dos seguintes motivos:

a) Por necesidades de programación municipal ou de actividades do Concello de Cambados.

b) Por incumprimento das obrigas establecidas na presente normativa e nos requisitos de solicitud.

c) Por causa de comportamento pouco cívico ou antideportivo, por parte de algún membro da entidade autorizada, sendo este comportamento reiterado e evidente, a xuízo dos responsables do Servizo Municipal de Deportes do Concello de Cambados.

d) Por baixa asistencia dos membros da entidade, de xeito que reiteradamente, non cumpran cos mínimos de asistencia obrigatoria na autorización de uso.

6.- A entidade que non vaia utilizar unha instalación previamente concedida, deberá comunicalo ao Servizo Municipal de Deportes do Concello de Cambados cun mínimo de 48 horas de antelación.



Ilmo Concello de CAMBADOS (Pontevedra)

7.- As instalacións no horario concedido non poderán cederse a terceiros agás que exista excepcionalmente unha autorización do Concello de Cambados.

8.- O uso será concedido para un motivo ou actividade determinada, categoría e/ou categorías. A entidade non poderá cambiar o uso da instalación para outro tipo de actividade ou categoría sen previo aviso ao Servizo Municipal de Deportes do Concello de Cambados e o consentimento expreso do Servizo Municipal de Deportes do Concello de Cambados. Calquera cambio excepcional deberá ser autorizado polo Servizo Municipal de Deportes do Concello de Cambados.

9.- O uso da instalación durante unha ou varias tempadas, non establece dereito ningún para a concesión da instalación na seguinte tempada.

10.- A entidade deberá dispor dun seguro de accidentes incluída a asistencia sanitaria ou a licenza federativa de cada un dos participantes. O club ou entidade usuaria farase responsable dos posibles deterioros da instalación que poida producirse polos seus xogadores ou xogadoras, adestradores/as, persoal auxiliar e asociados/as, (do equipo rival ou participantes) así como dos accidentes deportivos.

11.- En horarios de adestramento, as bancadas non se abren ao público agás que exista excepcionalmente unha autorización do órgano competente do Concello de Cambados, e non poderán estar nas pistas deportivas nada máis que aqueles/as xogadores/as, técnicos/as, directivos/as e outro persoal auxiliar oficialmente autorizado.

12.- É obrigatorio a asistencia do adestrador ou adestradora, do/a delegado/a, do/a directivo/a ou do/a profesor/a durante o desenvolvemento do adestramento e doutras actividades físico-deportivas, así como a presenza dunha persoa responsable



Ilmo Concello de CAMBADOS (Pontevedra)

maior de idade durante o uso dos vestiarios.

13.- Os clubs e as entidades deberán entregar unha relación detallada de xogadores/as, adestrador/a e persoal auxiliar, ao comezo da tempada, comunicando calquera modificación que se produza durante o seu desenvolvemento. Nesta relación debe figurar: o nome, apelidos e DNI.

14.- Para a disputa dos encontros e partidos oficiais das entidades ou clubs nas instalacións deportivas, o Servizo Municipal de Deportes do Concello de Cambados poñerá os horarios dos encontros ou partidos, así como á instalación. Por tal motivo as entidades e clubs deberán notificar ó inicio da tempada os seus calendarios de competición para que os responsables do Servizo Municipal de Deportes do Concello de Cambados puideran notificar as entidades o día, hora e instalación, con 15 días de antelación.

15.- O órgano competente do Concello, a proposta do Servizo Municipal de Deportes, aprobará cada tempada os criterios para a concesión dos horarios e días dos partidos de competición das entidades e clubs nas instalacións deportivas municipais, baseándose entre outras nas seguintes premisas: dispoñibilidade ou non doutras instalacións por parte da entidade, categoría do equipo (sénior, júniors, xuvenís, cadetes, infantil, alevín e benxamín), categoría da competición que disputa ese equipo (internacional, estatal, autonómica, provincial, comarcal ou local). En caso de empate de máis dun equipo nas preferencias, estes rotarán as preferencias en horario e día cada fin de semana.

Artigo 24. Normas específicas para a organización de torneos ou eventos deportivos de carácter excepcional nas instalacións deportivas municipais



Ilmo Concello de CAMBADOS (Pontevedra)

1.- Calquera entidade que desexe solicitar unha instalación deportiva municipal para a realización de torneos ou eventos deportivos deberá, ademais de cumprir os requisitos recollidos no artigo 22.1, entregar a seguinte documentación:

- a) Folla de solicitude.
- b) Memoria descritiva da actividade para desenvolver.

Artigo 25. Control dos aforos

As entidades organizadoras comprometeranse a colaborar co Concello a fin de non superar o aforo establecido da instalación.

TÍTULO VII.- PROCEDEMENTO DE INSCRICIÓN NAS ACTIVIDADES ORGANIZADAS POLO CONCELLO DE CAMBADOS

Artigo 26. Reserva e formalización de inscricións das actividades municipais

1.- Para inscribirse nas actividades organizadas polo Concello de Cambados haberá que cubrir o formulario de solicitude accesible na páxina web www.cambados.org ou nas Oficinas do Servizo Municipal de Deportes. No caso dos/as menores de idade, a folla de inscrición deberá ser asinada polo pai, nai ou titor/a, a si como a fotocopia do D.N.I. do menor. A inscrición comportará a aceptación da presente normativa.

2.- As inscricións nas actividades municipais, con límite de prazas realizaranse no prazo establecido por rigurosa orde de entrada no rexistro de solicitudes e que sexan aprobadas polo órgano competente do Concello, á vista da proposta do Servizo Municipal de Deportes.



Ilmo Concello de CAMBADOS (Pontevedra)

TÍTULO VIII.- NORMAS PARA AS ACTIVIDADES ORGANIZADAS POLO CONCELLO DE CAMBADOS

Artigo 27

1.- Ademais das normas xerais e das específicas da respectiva instalación, son normas comúns a todas elas:
a) Os/as acompañantes non terán acceso aos locais onde se desenvolvan as clases, co obxecto de non entorpecer a organización e a aprendizaxe destas. As comunicacións ao monitor ou monitora deberán realizarse en horario de titorías dispoñibles.

b) As actividades darán comezo e finalizarán segundo o horario establecido, salvo que haxa modificacións por causa de forza maior. Esíxese puntualidade.

2.- Normas relativas ás faltas de asistencia:

a) As faltas non xustificadas dun mes poderán ser causa da perda dos dereitos adquiridos coa inscrición na actividade correspondente.

b) Mais dun 50% de faltas inxustificadas serán considerada como a perda da inscrición do curso ou actividade.

3.- O material deportivo de uso persoal necesario para a práctica deportiva deberá ser achegado polo/as usuario/as. O devandito material será indicado polo/a monitor/a ao comezo do curso.

4.- As actividades deportivas de verán impartiranse con carácter xeral nos meses de xullo e agosto.

5.- Consideraranse días inhábiles de clases e non recuperables, os festivos estatais, autonómicos e locais así como a Festa do Albariño.

7.- Ante a eventual falta do/a monitor/a por motivos imprevistos, quedará suspendida a actividade.



Ilmo Concello de CAMBADOS (Pontevedra)

Artigo 28. Dereitos dos/das alumnos/as das actividades

1.- Ser admitido/a para o uso do servizo sempre e cando se cumpran os requisitos esixidos pola súa regulamentación e haxa prazas de abondo para todos/as os/as solicitantes. En caso de que haxa máis solicitudes que prazas ofertadas, confecionarase unha lista de espera.

Artigo 29. Obrigas dos/as alumnos/as das actividades

1.- Son obrigas dos/as alumnos/as:

- a) Cumprir a normativa xeral e específica de uso de instalacións.
- b) Asistir ás actividades, cumprindo o horario da actividade para a que foi admitido/a.
- c) O/a alumno/a deberá acreditar non padecer ningunha doenza que lle impida realizar esta práctica deportiva.
- d) Seguir as indicacións de monitores e do persoal da instalación.

2.- Os cambios de horario ou de grupo solicitaranse a través das oficinas do Servizo Municipal de Deportes. Concederanse sempre e cando sexa posible por niveis ou de dispoñibilidade de prazas, etc.

3.- Non se poderá permanecer nas instalacións fóra do horario concedido.

4.- Os prazos para a solicitude de admisión do alumnado nas actividades formalizaranse nos períodos que determine o órgano competente do Concello a instancias do Servizo Municipal de Deportes.

Artigo 30. Perda da condición de alumnos/as das actividades

Procederá a baixa de oficio dos alumnos/as polos motivos seguintes:



Ilmo Concello de CAMBADOS (Pontevedra)

- a) Por faltas inxustificadas á actividade: as faltas inxustificadas á actividade superior a un 60%, durante un período de un mes serán motivo de baixa automática.
- b) Por faltas reiteradas: as faltas reiteradas aínda que estean xustificadas a un 50% durante un período de un mes.
- c) Por prescrición médica: Poderán ser dados de baixa aqueles usuarios que por problemas de saúde, teñan contraindicada a realización da actividade física que se realice nas diferentes instalación deportivas. Nestes casos o/a usuario/a estará como preferente para volver á actividade cando o informe médico sexa apto para á actividade deportiva.
- d) Por superar a idade máxima establecida para cada actividade. Serán dados de baixa na actividade aqueles/as usuarios/as que superen a idade máxima establecida para esta.
- e) Por falsear datos relativos a súa inscrición nos cursos.

TÍTULO IX.- NORMAS ESPECÍFICAS SEGUNDO A INSTALACIÓN DEPORTIVA

CAPÍTULO 1. NORMAS PARA O USO DOS PAVILLÓNS POLIDEPORTIVOS

Artigo 31. Concepto de pavillón polideportivo

Enténdese por pavillóns polideportivos as instalacións que alberguen polo menos unha pista polideportiva cuberta cos seus respectivos vestiarios.

Artigo 32. Normas específicas para pavillóns polideportivos

Ademais das normas xerais establécense as seguintes:



Ilmo Concello de CAMBADOS (Pontevedra)

- a) Accederase á pista de xogo unicamente con roupa e calzado deportivo axeitado.
- b) A hora de acceso e desocupación da pista de xogo será efectivamente a que se teña reservada e non se poderá ocupar esta para quecementos, etc.
- c) Para adestramentos, o acceso aos vestiarios será sempre de 15 minutos antes do inicio da hora da reserva da pista de xogo e de 30 minutos despois da saída da pista de xogo. O acceso aos vestiarios nas categorías inferiores será sempre coa presenza dos/as monitores/as ou adestradores/as, así como permanecerán na instalación ata que o último neno ou nena saia do vestiario.
- d) Para competicións oficiais, o acceso aos vestiarios será sempre de 1 hora antes do inicio da hora da reserva da pista de xogo e de 30 minutos despois da saída da pista de xogo. O acceso aos vestiarios nas categorías inferiores será sempre coa presenza dos/as monitores/as ou adestradores/as, que permanecerán na instalación ata que saia o último neno ou nena do vestiario.
- e) As porterías, canastras, postes e demais accesorios necesarios para a práctica deportiva, que sexan móbiles, serán debidamente colocados e repartidos polo persoal da instalación. O material que cada equipo deixe na instalación, en aquelas dependencias que habilite o Servizo Municipal de Deportes do Concello de Cambados, deberá ser recollido en cestas, redes ou bolsas propiedade do club, e non se fará o Concello de Cambados responsable deste.
- f) Os equipos poderán solicitar a chave dos vestiarios mentres se disputen adestramentos ou partidos, sempre que se identifique as persoas responsables mediante o seu DNI. (Se lle poderá requirir o responsable o DNI, que será devolto cando entregue a chave).

CAPÍTULO 2. NORMAS PARA O USO DOS CAMPOS DE FÚTBOL

Artigo 33. Concepto de campo de fútbol



Ilmo Concello de CAMBADOS (Pontevedra)

Enténdese por campo de fútbol aquela instalación deportiva que se dedica á práctica do fútbol en calquera das súas modalidades.

Artigo 34. Normas específicas para campos de fútbol

Ademais das citadas e das normas xerais, establécense as seguintes:

- a) Accederase ao campo de fútbol unicamente con roupa e calzado deportivo axeitado.
- b) Non se permite o uso de zapatillas de taco metálico, agás nos campos de herba natural e de terra.
- c) Nos campos de herba artificial só se permite o uso de zapatillas específicas, multitacos ou botas de tacos de goma.
- d) As horas de acceso e desocupación do campo de xogo serán efectivamente as que se teñan reservadas, e non se poderá ocupar esta para quecemento, etc.
- e) Para adestramentos, o acceso aos vestiarios será sempre de 15 minutos antes do inicio da hora da reserva da pista de xogo e de 30 minutos despois da saída da pista de xogo. O acceso aos vestiarios nas categorías inferiores será sempre coa presenza dos/as monitores/as ou adestradores/as, así que permanecerán na instalación ata que o último neno ou nena saia do vestiario.
- f) Para competicións oficiais o acceso aos vestiarios será sempre de 1 hora antes do inicio da hora da reserva da pista de xogo e de 30 minutos despois da saída da pista de xogo. O acceso aos vestiarios nas categorías inferiores será sempre coa presenza dos/as monitores ou adestradores/as, así que permanecerán na instalación ata que o último neno ou nena saia do vestiario.
- g) As porterías, postes e demais accesorios necesarios para a práctica deportiva, que sexan móbiles, serán debidamente colocados e repartidos polo/a conserxe da instalación. O material que cada equipo deixe na instalación, naquelas dependencias que habilite o Servizo Municipal de Deportes do Concello de Cambados, deberá ser recollido en cestas, redes ou bolsas propiedade do Club, e non se fará o Concello de Cambados responsable deste.



Ilmo Concello de CAMBADOS (Pontevedra)

h) Os/as acompañantes non poderán acceder ou permanecer nas gradas ou no campo de xogo da instalación mentres estean facendo os adestramentos os equipos ou entidades deportivas.

i) Os equipos poderán solicitar a chave dos vestiarios mentres se disputen adestramentos ou partidos, sempre que se identifiquen as persoas responsables mediante o seu DNI (Se lle podrá requerir o responsable o DNI, que será devolto cando entregue a chave).

CAPÍTULO 3. NORMAS PARA O USO DO XINMASIO E PAVILLÓN DE FITNESS

Artigo 35. Concepto de ximnasio e pavillón de fitness

Enténdense por ximnasio e pavillón de fitness aquela instalación ou sala na que existen máquinas de musculación e de actividade aeróbica (bicicletas, cintas, pesas, elípticas, etc.) para o exercicio da actividade física en xeral.

Artigo 36. Normas específicas para ximnasio e pavillón de fitness

Ademais das citadas e das normas xerais, establécense as seguintes:

1. Sobre a vestimenta:

- a) É obrigatorio o uso de indumentaria e calzado deportivo. Non está permitida a entrada con chanclas, calzado de piscina ou semellante.
- b) Está terminantemente prohibido adestrar sen camisetas.
- c) É obrigatorio o uso da toalla na sala.
- d) É recomendable o uso de luvas de ciclista cando se utilicen as bicicletas.

2. Sobre o uso do equipamento:

- a) Tanto nas máquinas como nas colchonetas poñerase unha toalla sobre a área de contacto.



Ilmo Concello de CAMBADOS (Pontevedra)

- b) Prégase non permanecer nas máquinas conversando ou descansando para facilitar así unha mellor rotación en uso e unha mellor utilización por parte dos/as usuarios/as.
- c) O material deportivo colocarse no seu lugar correspondente despois de finalizar o exercicio.
- d) A utilización dos equipos de música, televisores, ordenador, etc., é de uso exclusivo do persoal da instalación.
- e) Prohíbese a introdución de bolsas de deporte na sala.
- f) Recoméndase a utilización responsable do equipamento dacordo coas directrices dos/as monitores/as, evitando así posibles situacións lesivas e consultarase cos monitores ou monitoras cando sexa preciso.

3. Sobre os/as usuarios/as:

- a) Non está permitida a entrada a menores de 16 anos.
- b) Aqueles/as usuarios/as que teñan entre 16 e 18 anos deberán entregar unha autorización do seu pai, nai ou titor/a legal para o acceso á sala.

CAPÍTULO 4. NORMAS PARA USO DAS PISTAS DE TENIS

Artigo 37. Concepto de pista de tenis

Enténdense por pista de tenis aquela instalación deportiva que se dedica a práctica do tenis.

Artigo 38. Normas específicas para as pistas de tenis.

Ademais das normas xerais establécense as seguintes:

- a) Accederase á pista de tenis únicamente con roupa e calzado deportivo axeitado
- b) A hora de acceso e desocupación da pista de tenis será efectivamente a que se ten reservada e non se poderá ocupar esta para quencementos.



Ilmo Concello de CAMBADOS (Pontevedra)

- c) O acceso ós vestiarios será sempre de 15 minutos antes do inicio da hora da reserva da pista e de 30 minutos despois da saída da de xogo.
- d) Só se poderá practicar exclusivamente tenis e está prohibido xogar a tenis-fútbol ou semellantes, así como introducir balóns ou pelotas de calquera outro deporte que non sexan de tenis.
- e) Establécese que para as reservas de tenis individuais, o tempo máximo de reserva será de 1 hora e 30 minutos e para a de dobres de 2 horas.
- f) A persoa que dispute un partido, tanto de individuais coma de parellas, contará coma unha reserva, aínda que esta non a fixera a mesma persoa.

CAPITULO 5 . NORMAS PARA USO DA PISTA DE ATLETISMO.

Artigo 39. Concepto de pista de atletismo

Enténdense por pista de atletismo aquela instalación deportiva que se dedica a practica do atletismo.

Artigo 40. Normas específicas para a pista de atletismo.

Ademais das normas xerais establécense as seguintes:

- a) Acederase á pista de atletismo únicamente con roupa e calzado deportivo axeitado.
- b) A hora de acceso e desocupación da pista de atletismo será efectivamente a que se ten reservada e non se poderá ocupar esta para quencementos.
- c) O acceso aos vestiarios será sempre de 15 minutos antes do inicio da hora da reserva da pista e de 30 minutos despois da saída da pista de atletismo.



Ilmo Concello de CAMBADOS (Pontevedra)

TÍTULO X.- RECLAMACIÓNS E SUXESTIÓNS

Artigo 41

En todas as instalacións haberá formularios oficiais de reclamacións e suxestións a disposición dos/as usuarios/as, segundo modelo confeccionado ao efecto.

Artigo 42

O Concello de Cambados responderá no prazo máximo dun mes á persoa usuaria da devandita reclamación.

DISPOSICIÓN FINAIS

Primeira.- A interpretación das normas deste regulamento será levada a cabo polo órgano competente do Concello de Cambados, que poderá ditar as instrucións necesarias para a súa aplicación.

Segunda.- Facúltase á Alcaldía ou persoa ou órgano en que delegue para a aprobación dos modelos oficiais que se deberán publicar no taboleiro de Edictos das instalacións deportivas municipais e na web corporativa para os efectos do seu acceso polos/as interesados/as.

Terceira.- O presente regulamento entrará en vigor despois da publicación da súa aprobación definitiva, no Boletín Oficial de Provincia de Pontevedra, una vez transcorrido o prazo establecido no artigo 65.2 LRBRL, e seguirá vixente ata que se acorde a súa modificación ou derogación.



Ilmo Concello de CAMBADOS (Pontevedra)